

四庫全書

集部

欽定四庫全書

集部

欽定千叟宴詩卷二十八

侍郎臣劉躍雲覆勘

武英殿纂修原任編修臣吳裕德

欽定四庫全書

欽定千叟宴詩

乾隆五十年

卷二十八

預宴一百六人詩一百二十六首

馬甲

王國鳳

年七十七

睿聖啟貞符在宥物時敘

龍紀行億千箕疇

錫九五包涵亭育參經緯天人普煌煌舉上儀適駿超

三古圓蓋中央黃立仗兩階羽中和邁漢儀慶善
陳韶舞煒茲

嘉宴開濟濟松喬侶芝雲蔭輪囷蕭露歌濃滑班隨
煒翟微榮預簪紱伍眉壽祝

萬年純禧播區宇

馬甲

孫益方

年七
十七

玉燭調和開景運

帝見乎離出乎震法

天行健五十年兼皞農軒營堯舜

古稀天子德日新德為福基福自臻萬年著衍

天家祚六葉棠舒

黼座春引

懋典排嘉宴瑞日祥雲啟春殿詩牋疊獻效賡歌洵堪

譜作羣仙傳

馬甲

巴蘭泰

年七十七

慶值九華燦爛欣看五色輝煌青龍闕麗霽景赤

鳳旗迎曉光白髮樽開濟濟黑衣侶效蹒蹒黃繖

中臨

玉座

天章黼黻為章

五色體

馬甲

全保

年七十七

際盛世飲太和飽芻糧負琬戈營偃月陣鵲鵲無
所事髮已皤仰

德化恩滂沱養老宴高嵯峨三千人夏鳴珂兕觥角顏

許配拜

天恩矢頌歌

小臣

叨幸何其多

馬甲

伏魔保

年七十七

聖人御極澤沛恩覃

金門開宴

玉殿傳柑羣工衆庶既樂且湛星拱于北山祝如南

小臣

何幸亦預分甘拜手獻頌敬附彭聃

馬甲

常格

年七十七

綵仗風和接上蘭長筵肆啟簇春盤蘭階

五世延洪慶鶴髮千行拜舞歡雉尾隨班雲物麗螭頭

獻爵露華溥

恩榮派古何曾有應作瑤臺仙會看

馬甲

順

格

年七十七

羽仗雲間列仙曹日下排駕駘唯齒長鸞鶴此時
偕

佛壽真無量

天恩詎有涯初聞韶樂翕率舞向瑤階

馬甲

什圖

年七十七

陶鈞庶彙亮天工暢源垓埏一道同為念耄耆彰泰運
特開筵讌溥春融

恩綸澤被風重巽盛會輝凝日再中共仰

繁禧純嘏茂

萬年嘉與萬方同

馬甲

吉蘭泰

年七十七

曉日瞳朧

玉殿開

詔宣耆老集蓬萊
醍醐滿泛天厨酒
迴勝金莖露一杯

一

霞觴遞舉遍耆齡
瑤砌春朝淑氣凝
叨幸一時軍

隊士居然上應老人星

二

馬甲

劉世傑

年七十七

聖人握乾符
醲化覃絃埏
壽愷集上瑞

錫福開耆筵衛尊飫仙醴式序羅三千臯夔賡拜手松
偃榮比肩瑤砌煦朝旭綺席凝祥煙葵忱效封祝
聖壽億萬年

馬甲

富森布

年七十七

皇都春麗日

帝澤溥華筵齒列金階上顏開玉笋前雲門聽樂部露
燕誦詩篇

盛典承

家法

鴻庥億萬年

馬甲

陳良玉

年七十七

八百羣筵綺序排字鐫養老朗懸牌同聲並進

南山祝九宇騰歡愜

睿懷

恩頒壽爵醉醞醕逮賤尤驚禮數殊

福祉駢多

敷錫溥登歌雅化效駟虞二

馬甲

巴金太

年十七

海宇化數日久仙壺慶啟筵初

錫福天開蕊殿熙春人到華胥濟濟扶鳩酌兕蹌蹌夏

珮曳裾上

壽欽隨千叟同聲敬頌

九如

馬甲

塞爾特

年十七

舉兕觥卸兕甲介壽筵高歡宴洽承

恩何必須壯顏况復遭逢是堯堯

帝德光天超昊義四海沐化凝

純熙壽寓如春春正永

九天膏澤歌鴻施遠陬蒞近京畿同風擊壤歌巍巍

萬年長此依仁輝

馬甲

永

成

年七十七

春光十二律旋宮

立春後
十二日

壽寓重開八表融

御仗風和韶奏細光華燦處即方蓬一

者集三千古未聞戎行何幸獲瞻雲仰承

錫福恩膏渥純嘏延洪頌

聖君二

馬甲

湯受福

年七十七

上古赤文綠字中天玉策金書未見朝盈皓髮詎
聞宴錫丹除六十四年典舊三百六旬春初雲日
欣瞻

黼宸拜跪羣歌樂胥

馬甲

于天祿

年七十七

泰元調氣淳厚敦龐

盛治光天

錫民慶豐千班序立萬國來同曰仁曰壽惟華惟嵩樂

歌在藻儀詠其桐慶雲朝煥甘露春融

萬年聖紀光超有熊

馬甲

魯宗益

年七十七

聖皇御寓能壽人洪疇斂錫純嘏臻乾坤二策起大衍
疇履一氣敷洪鈞上中下壽筵載啟燕饗食禮典
重申引年珪紳列階陞尚齒初襜膳

楓宸近

光樂愷以時集飽

德醉酒與物春熙閭閻懌愉效衢頌億年順則同堯民

馬甲

六

格

年七
十七

景慶星雲靄玉除普天樂愷暢華胥瓊霄露

錫仙班徧玉琯春調鳳律初耆耄拜

恩依

壽寓彭聃協瑞拱

宸居尚方金綺頒稠疊

聖澤汪洋懣載如

馬甲

王

鐸

年七十七

玉琯韶宣太簇瓊杓景寧青陽

闕下耄耆畢集庭前几席斯張日近銀旂彩勝風和

彩仗儀鎗愧昔馳驅綴列欣今沆瀣盈觴

馬甲

富

明

年七十七

化宇洪提集新韶燦景光普歡開燕飲式序入鵷行露
渥金卮捧雲深雉扇張

天顏臨咫尺

恩禮邁尋常瑤席膏同沐彤階旭正長柏梁效麇載先
得捧

宸章

馬甲

顧爾謹

年七十七

欣傳

賜醴到戎行綺席華茵燦有光

恩賚便蕃齊拊舞功過舞羽治垂裳

春臺喜洽沐

恩波列宴瑤階廁玉珂莫羨華封工致祝軒皇桐鼓奏

靈麗

二

馬甲

孫奇林

年七十七

春滿蓬壺淑氣和
千官劍佩會鸞坡
域中仁壽唐
虞世

天上升恒保定歌
彩翽鳳梧溫室樹

恩流魚藻液池波
迎陽共矢葵心赤
駐景同看鶴髮皤
化日光輝皆樂土

清時吟咏有卷阿
臚歡競獻延年頌
翹首璿霄瑞靄多

馬甲

劉廣基

年七
十七

九天啟閭闔冠珮
羣鳥趨瞻雲

芝殿迴何日葵心輸

昌時曠典開耆耇邀榮殊拜

賜效華祝鳩杖欣同扶惟

皇壽億萬愷澤長鴻敷藩部登朝鮮莫不

思與俱引年恢懋典煥若王會圖詎惟數膠庠巍巍超

唐虞

馬中

索爾吉

年七
十七

尚齒成嘉會恭聞

聖祖年

九重修令典千叟赴高筵耆耄心顚若衣冠序秩然霞
觴傳沆瀣玉饌飫芳鮮祥輦履端候

恩敷人日前三多斂福備奕禩戴

堯天

馬甲

王三保

年七
十七

聖主膺圖福孔皆欣開廣宴樂聲諧虞庠杖撰先三代
禹會千和舞兩階木德風含花似錦液波凍解酒

如淮欲知化日舒長候

復旦光華布九垓

馬甲

虎兒

年十七

擊鼓騰騰樹羽旗少年技擊多所為生力騎來蹄
踣鐵直與飛鳥相追馳即今壯志猶如昔未有奇
功及勲格聽名慚喚阿塔思脫卻袍衣入者席感
戴

天恩沛澤濃昇平軍士遭奇逢腰間長箭置不用尚

賜鳩頭五尺筇

馬甲

七十八

年七十七

春陽被細柳膏澤望青瑣

詔許共扶筇例得暫釋笥煌煌曠古典卑賤叨宴坐自
忝馬齒微久與壯夫左三千得榮預鶴髮繫以瑳
仰惟養恩感激慶長荷拜手祝

萬年芹曝獻應可踴躍覲

龍光追風思馭馭

馬甲

永德

年七十七

錫美沛恩膏叨榮慶特遭引年均酌醴投水陋分醪春

入仙萼翠風催細柳高

萬年祝

宸宸愷樂告同袍

馬甲

全四兒

年七十七

天開若木耀珠旗韎鞞隨班獻玉卮黃髮三千齊

效祝

萬年同仰

錫春禧一

卿雲紉縵駐光華信有蓬池甲子賒從此敢援

恩宴例期頤長得挹流霞二

馬甲

戴長庚

年七十七

景緯呈祥協氣佳四時通正八方諧

恩筵燦爛陳金祀仙仗輝煌擁玉階率土耆年咸醉飽

蕃封陪隸盡柔懷昇平

壽寓同歡洽林舞

堯天福孔皆

馬甲

觀

福

年七十六

綺甲三陽啟蒲筵

九陞陳人膽

金殿曉

天賜玉壺春槐棘叨聯次松喬喜作鄰
駕駘榮杖履雍

肅比朝紳

馬甲

特克慎

年七十六

玉琯春回曉
鑰開羣仙翔
步入蓬萊增
年新慶屠

蘇酒

錫福榮叨曼壽杯

雨露無偏周海甸

星雲有耀照輿臺
悚惶喬野儕
文墨也捧瑤箋獻頌來

馬甲

兆德

年七十六

扶杖承

恩入趨風夏珮珊金莖承滑露玉醴飫韶顏盛事千秋

少

溫綸萬國頌五雲金闕迴恍是閨蓬間

馬甲

常金

年七十六

帝德崇高

帝算綿

湛恩汪濊逮耆年三多華祝歡騰地四海

鴻禧慶錫

天酒獻椒盤春乍盡宴羅瑤妃月將弦人間亦有粉榆
會何似身霑

雨露鮮

馬甲

達爾紅阿

年七十六

執戟愧糜糈容覲

天子光嘉宴普天庭冠珮來踰蹌曰惟耄耄倚攜杖可
同行

膏澤豈有偏邇者乃賡颺蘿圖慶有祉康衢歡無疆同

茲依

壽寓穰穰降嘉祥

馬甲

富貴

年七十六

虎威豹直舊頭銜欣與

虞階鸛鷺叅脯飲大官仙味飽五雲春殿感

恩覃一

九天沛澤浩無私四海歡歌共聽時介冑寧須解文字

蟲猶思測管思窺二

馬甲

舒金

年七十六

化宇多登壽

皇仁重引年
韶陽舒上日
羽仗會羣仙
共效臺萊頌
長依

藻黼筵無疆歌

景福錫慶亘無邊

馬甲

范宜達

年七十六

古稀天子壽齊天

賜詔金門集大年風動鸞旂開瑣闥日升瀛海上花磚
雍容杖履瑤臺鶴整肅簪裾閭苑仙爐霽香熏縈
綺席鼎調玉食肆瓊筵分攜絲錦

天恩沛遍給銀牌壽字鐫山嶽北崇高億萬春秋合算
富三千位殊貴賤情胥洽勢隔尊卑禮以聯小草
幸承新

雨露駕行鷺序得駢肩

馬甲

李

沛

年七
十六

續紛彩仗引朝儀
拊舞隨班拜赤墀

綸綍思多羣與宴
七旬憶作羽林兒

佳氣氤氲協瑞符
恭逢

聖治邁唐虞三千
鯢齒懽嘉會
鼉采榮光遍九衢

馬甲

劉澍兆

年七十六

聖人握寶籙歲首
凝庥祐嘉宴
集耆老懋典法

皇祖瓊筵列三千
扶杖共拊舞
慶洽運日隆時亨

澤逾溥

微臣

樗櫟質榮叨
列瑤圃醉飽歌

渥恩盛事超萬古

馬甲

奇成額

年七十六

從說蓬萊到者稀朝衣班裏覩初衣始知

天上微垣直也有期門共飲飛一

律回太簇啟青陽壽讌祥開喜近

光萊甲春盤先日好

蘿圖寶算億年長二

馬甲

天津保

年七十六

喜觀

天光天尺咫春風執戟明光裏已隨小隊列虬營還扈
長楊垂象弭星駟歲月數從頭

聖主恩深浹肌髓旭日

恩綸煥彩衢九華春醺齊年齒

軒皇上壽古無倫

五十龍飛新鳳紀湛露瀼瀼物共霑慶煙裊裊霄逾綺
光風影裏拜金壺天樂聲中斟玉醴闔苑蓬山空

爾為紫芝黃竹詎堪擬宜春人日繡紅幡綵燕筵
前先送喜

馬甲

官

福

年七十六

黃髮垂春丹壺照晝翠三千人以醕以侑率葵藿
忱祝

黼宸壽恭惟

帝壽仁覆如天四時百物行焉生焉日星照耀雨露駢
翩凡厥有生普積歲年渥以春陽暈以大千微如

小草被沐均妍敬樂

天德九宇同宣敬歌

天壽萬載洪延

馬甲
烏爾占

年七
十六

聖壽綏多福敷天壽寓登彤墀初日麗皓髮瑞雲蒸衍
燕新祺普膚歌

曠典承拜颺齊蹈舞

蕃祉頌升恒

馬甲 羅太

年七十六

紫宮瑞色霽朝曦

恩宴耆年溥壽祺
夙綴未行依豹尾
更逢嘉會侍

龍墀條融協律三階朗
慶裔舒霄五色披
榮值

萬齡長錫福
獻忱惟頌九如詩

馬甲

伊特格爾圖

年七十六

維

皇崇典瑞符太乙
錫慶有加湛恩洋溢
泰遠邠國濮鉛

祝粟日月所照罔不俾率三古舊章

萬年崇恩

顯謨

纘緒

聖祖

神孫葛天八閩大容雲門頡史以來罕見莫倫不襲緡
儀實超惇憲

天無私照下迨微賤夔龍虎羅尹虺亟旦拜手稽首未

逢斯宴

馬甲

石如琪

年七十六

赫赫羅圖輝輝瑤錄

道協清寧祥徵岳瀆泰彙茅三瑞紀奠六羣仰

九重來同萬福人集瓊筵天調玉燭露浥灑滑雲凝紛
郁寶甕滿斟衢尊顒祝

馬甲

孫起豹

年七十六

壽寓承禧六合同瓊筵有

詔特恩隆齒惟犬馬馳驅後身在夔龍拜舞中列仗旌

旗排曉日翔

恩殿閣起春風欣當既醉歌

純嘏長養方知

造化功

馬甲

馬國瑞

年七十六

誅蕩

天閭啟彤階麗景舒

尚方傳授席者叟慶聯裾瑞叶卿雲縵膏霑寶露渚
至尊膺

景貺獻頌鵠魚魚

馬甲

劉起龍

年七十六

春風被宇

皇壽岱瀛調泰鴻氣舒甲散萌蔚炳文教赫濯駿聲九
服同祺如元起貞鳧鷖作頌鸞鷟翔庭厠貌貅旅
聆鳳皇笙蔗哉

嘉宴拜舞錢彭

馬甲

五達色

年七十六

班聯松偃奉

義黃嶽豆溟杯荷

寵光忝列戎旃慙弩末也隨虎拜沐瑤觴一

昔年瑯甲與從征太液曾邀虎旅觥今日耆筵舒

愜樂壽歌聲憶凱歌聲二

馬甲

王芝植

年七十六

韶序青陽啟

鴻恩拜玉璫宴張千叟會星藹萬年枝玉饌駢羅席
天漿溥挹卮深慚封菲質亦得被

恩施

馬甲

高士俊

年七十六

太清泰寧輦惟

帝德中及萬靈泳游食息元會靡間干支遞積弁歌襍

舞以樂

皇極微及星駟並循大則雕錦華樽椿紀蓮刻疇竿

大年時萬時億

馬甲

張時龍

年七十六

至治軼唐虞均沾

湛露濡東風調玉琯南極朗雲衢壽世承嘉樂耆年奉

燕娛何期

恩下逮周浹到庸愚

馬甲

善保

年七十六

續紛仙仗肅

丹輝晴日蕊籠碧玉枝法釀香斟分太液蟠桃永脆

滴瑤池欣逢

聖主恩頻錫忝與耆筵

澤屢施太史書呈春日瑞恰看星拱泰階時

馬甲

八十七

年七十六

茂典耆年集雲衢振羽翰釀儀傳禮器醕飲載周官未

若

天恩重均沾

露澤溥稱歌同拜舞瑞靄布

金鑾

馬甲

富朱禮

年七十六

昌辰開耆叟宴珍膳出大官厨

愷澤春輝千席祥暉泰階六符溥歌魚在在藻集吉鳳
喈喈梧自顧榮逾常分欣隨

玉陛聯趨

穆克登額

年七十六

蕭韶陳九奏旭日麗果愚景鑠

重熙典鴻龐億載基配顏沾玉液黃髮列金墀五緯聯珠

夜同歌湛露詩

馬甲

何臣泰

年七十六

椒盤美酒進屠蘇韶景中天萬彙娛更喜

九重隆壽考直教千叟聚春醕置身已共洪崖侶效祝

同為嵩嶽呼濟濟期頤爭獻頌

古稀聖主握乾符

馬甲

西登庫

年七十六

韶景雲衢滿簪裾

廣殿羅絳籌添福海綠字應榮河仙杖承靈壽瓊筵

酌太和

聖人千萬歲寶錄衍圖羅

馬甲

姜利

年七十六

瑤瑤玉佩集神洲不數觀河五老遊鶴立三千呈

瑞應書銜紫鳳杖扶鳩一

億年此是紀

恩初九醞芬芳侍

玉除長祝歲豐人壽愷瑤笙璇管叶嘉魚二

馬甲

烏林太

年七十六

五甲周鸞書元辰啟鳳琯日舒

德寓長春益仙壺滿

天厨筴迓祥海屋籌增算壽朋締三千此會從來罕上

有鴛鴦羣下及貌虎選譚劣荷

鴻恩韶光慶衍

馬甲

劉光遠

年七十六

久隸衲衣隊何階謁

禁垣俯忻年矍鑠獲與

錫便蕃九節承印竹三漿飲上尊願賡天保頌冀以答
洪恩

馬甲

福祿

年七十六

聖人頒大惠，羣老共趨蹌。
甘萬齡，聯席三千叟，獻觴瓊筵。
羅旨美金醴，泛芬芳，蓋地圖。
曾獻鈞天樂，正張陽春，舒建木麗日。
蔚搏桑，鼓腹堯民樂歌陳。

玉陞旁

馬甲

誠志

年七十六

瓊筵仙屨集，璵璠韻琤璫。

盛典看彪蔚

皇風屯駿龐，千門春似海。
百榼酒如江。

詔錫延年杖

仁恩普萬邦

馬甲

舒

成

年七十六

重熙慶洽千秋會瑞靄祥雲繞

鳳城

樂壽寓開朝日上耆英羣聚

寵光榮鼎中斟雉甘初飽仗外扶鳩步欲輕六合共依
天浩蕩三春同愛歲崢嶸熊羆羅列隊弓刀健鵷鷺隨行

劍佩迎自是瑤墀親受

賜不同仙露望金莖

馬甲

舒明阿

年七十六

熙熙迓

天庥濟濟集人瑞人偕黃髮羣

恩自紫宸逮從來

雨露恩原不遺庶類寵錫大官庖榮列庶老位七旬雖

耄耄八旗原子弟允矣歌昇平劍戟鑄農器

馬甲

七十五

年七十六

左把浮邱袖右拍洪崖肩徒爾餐松學仙術未若
仁壽之宇億萬年一飲

天漿長不老不餐錢鏗雉不數安期棗手扶鳩杖飽以
遨一草一木涵

恩膏虎旅連營凋戟耀

龍光錫宴璫筵高

馬甲

徐永成

年七十六

瑞靄舒霄景商鮮

繁禧敷錫敞者筵衛尊潤溥瑤階下厨菱甘分

玉案前春到

皇州間壽寓人遊

聖世即神仙傾葵願效華封祝既醉還歌鎬飲篇

馬甲

吳有鳳

年七十六

九重丹詔沛

殊恩星耀南弧

聖壽尊五十年春春浩蕩春風春日

帝顏溫一

幸厠雲衢列扞騶騰驤昔與奉星旂老來不愧無
勞績親捧

天家碧玉甌二

馬甲

巴克唐阿

年七十六

盛治協咸熙春光滿

帝畿分行趨

玉陛入宴觀

宸闈瀛海耆年集星躔福曜暉稱觴申頌祝丹悃重瞻

依

馬甲

富什騰

年七十六

玉琯調春仰

德元多祺羽翼

沛殊恩福敷億兆承

丹詔叟集三千飫玉樽仁寓共欣遊浩蕩榮施還沐

齊便蕃壽人壽世綿

鴻算萬國熙熙頌

吳軒

馬甲

何承宗

年七十六

閭闔扇和風耆筵敞

紫宮自

天敷壽愷率土荷

元功玉饌芬芳溢天漿沆瀣融敬隨黃髮侶拜手效呼

高

馬甲

高士俊

年七十六

葵藿本向日雲衢欣荷

天天門九重攝衣入贊拜濟濟皆彭錢仙筵列七寶食
之後天而不老蓬壺景恒春閨苑花長好羽林七
萃步後塵弓衣矢箠常隨身承平樛櫟欣增歲柏
子盃中酒釀春

馬甲

郎揚芳

年七十六

寶鼎香濃裊裊煙皤皤黃髮共朝

天杖扶靈壽應難老身到蓬萊總是仙玉饌遍餐春似
海金樽頻泛酒如泉涓埃仰報誠何補竊附衢歌
祝

萬年

馬甲

郎應騫

年七
十六

天上韶咸玉管清

殿前仙酒和蘭笙銀牌捧出誇同伍廝養今邀衍宴

榮一

正逢春鬢九衢時黃髮欣欣仰

盛儀為問瀛洲倅侶幾曾親獻

萬年卮

馬甲

薩哈連

年七十六

日月光久照

健運如初升

龍躔啟太衍

恩浹春臺登鯢鮓應

詔來舞蹈筋力勝光榮霑被渥

寵賚尤頻仍晴雲絢平城綺旭舒觚稜皇哉登

壽寓第祿川方增

馬甲

魯常阿

年七十六

聖德溥春澤

恩筵廣集禧稱觴陳

國慶扶杖習朝儀雲日垂金鏡星辰煥玉墀共賡

皇萬福億禔被蕃祺

馬甲

二達塞

年七十六

楓宸闔澤光壽耆玉尊金樽旨且有肩梨鱗集三千人
共喜扶鳩酌春酒易占需雲正宴樂詩詠魚藻兼
臺萊雲中正奏隆平樂太族音宣淑景開雲開
紫殿壺天謁新排

丹陛樂中在九衢浩浩聽歌歡遙和鈞韶聲似海

馬甲

塞克圖

年七十六

鞠脆奉金卮拜手歌冰嬉西苑

紫垣側瀛臺太液池春陰與秋風麗景光參差一陽
凍初堅萬頃凝玻瓈涓吉排名籤習技分八旗冰
牀施

御幄平如步雲達列翼張鶴羽綴行連魚麗身手好結
束輕比一鳥飛著地齒齒鐵束跟條條韋春雷三
聲起籥雲不須騎圓球上騰騰旌門高巍巍雲合
倏霞散風驟而雨馳頭籌奪錦標捷足先得之

國俗循舊典肆武寓於斯

皇恩加優賞普為生計資下走踰七旬敢負矍鑠姿冰
嬉不能預耆宴前致詞見獵心輒喜迴思少年時

馬甲

三德

年七十六

欣隨儀舞上

彤墀樂奏鈞天醴滿巵麗日迴臨三秀草春風新茁
萬年枝丹囊彩煥華芝合寶甕輝騰絳露滋六合
同風徵樂壽

盛朝嘉慶軼軒義

馬甲

毛錢林

年七十六

恭養天閑惠普存又躋樂壽沐

天恩鶴齡長飲三霄露

麟趾方徵五葉孫

一

堪堪春韶

錫福時大酺廣宴澤優滋扶鳩

玉闕聯眉壽松柏南山各獻詩

二

馬甲

萬住

年七十六

三春開壽宴耆耆萃如雲黃髮瑤尊映

彤階瑞靄薰未申犬馬力也厠鷺鵷羣

疇覆真無外賡歌媿不文

馬甲

周玉柱

年七十六

韶開瓊篇曉報銅籤

九重張宴千叟均霑英韶奏叶鏐綺

頌兼

錫極保極引養引恬並掄星萃俾捧雲縑歡騰

殿陛慶洽閭閻祝

天子壽海屋籌添

馬甲

五十兒

年七十六

金膏玉齊注

堯鍾拜受

天家雨露濃深幸三千鶴髮輩齊瞻

溫霽聖人容一

初衣初未與朝紳皓首今欣宅早春鸞鶴高飛早
燕雀都分

宮樹一枝新二

馬甲

王啟福

年七十六

玉衡啟序春風生千叟華譙開

彤廷

溫綸渙發遍海宇羣仙接武同日遊蓬瀛臣昔期門供

使令馳驅未效華髮盈

聖人久道臻化成武功耆定文德明自昔山車澤馬應
期出孰如今日

純禧郅治真難名酌瓊醴吹瑤笙華封三祝卷阿賡拜
手稽首聆咸齔

馬甲

姜那爾太

年七十六

帝德浩無名

天心申眷佑太和播四海作朋慶三壽東逮扶桑濱西越
崑崙岫受生成耆齡一一歸我囿

恩賜仙厨珍近聆咸英奏稱觥祝

聖人萬年洪

疇覆

馬甲海保

年七十六

介眉羞考樂松榆處處幽歌入畫圖正值耆筵

天上啟恭惟

盛典古來無英英蘭甕醇和溢堪堪春輝景福

敷較射敢矜身手健幸承九節瑞筇扶

馬甲
觀保
年七
十六

萬年繇

寶錄

五世茂金枝大地仁風洽敷天

湛露施斑斕扶玉杖矍鑠向

龍墀鉅典超千古含哺樂

聖時

馬甲
三格
年七
十六

當軒日馭五雲開
鉤砌豐崇拜

賜來洛社香山推盛事
幾人親得捧

天盃一

天開壽寓共呼嵩

詔賜趨蹌紫禁中
扶出鳩筇增矍鑠
不須扶掖仗兒童

二

馬甲

得合

年七十六

九天錫宴慶溥春祺合
三千人下走與之身
列馬甲未

諳朝儀

黃扉丹陛有目未親覩大禮隆樂何以逮賤微

帝錫恩言賚壽耆上自上壽百有餘歲下至六十周干
支九秩與一品親跪玉堦受

御卮餘以齒列承

繁禧菲材馳驅列擎跼鞠脆夙所知感

恩抃舞言春王正月六日承

鴻施

馬甲

額爾登額

年七十六

曉日瞳矓

春殿開九霄雲色映昭回節先人日陳嘉宴鶴髮鳩

頭入座來一

三多願獻封人祝五福早敷箕子疇九拜

天階呼

萬歲樽移北斗海添籌二

馬甲

官桂

年七十六

貳張宿肉只尋常
簞扇仙厨錦宴張
千隻倍三齊
介壽

一人理萬正當陽
引年典已超虞夏
養老文何論漢唐
頒捐賜銀恩並渥
猶知矍鑠勵戎行

馬甲

仁

舒

年七十五

聖皇握金鏡仁壽臻

重熙大鈞富陶育
海宇多龐眉三千
為數盈五福用

錫之當春開嘉筵
嚮晨趨崇墀斯民
久皞皞壽者來祁

祁願獻九如頌拜手祝

純釐

馬甲

噶郎阿

年七十五

添籌海屋羽觴飛五老聯光向

紫微試看星雲環

玉闕九天南極正騰輝

一

凱宴榮分飲至樽普天安樂舞蹲蹲欣隨七萃連

茵坐春暝同袍擁日暄

二

馬甲

富勒渾

年七十五

浩蕩春開晴晝巍巍

殿敞雲闕玉饌徧嘗鯢齒金卮同奉

龍顏人在丹邱絳縣境如員嶠蓬山扶老欣逢

賜杖生小矢箠刀鏐

馬甲

達罕泰

年七十五

雲開亂縵鬱嵯峨珍饌芳筵

湛露多萬國梯航齊入貢饒歌都作壽人歌

鶴侶駢闐謁

帝閭執爰人亦飲

堯樽更懸果脯青絲鞵歸與兒孫說

聖恩二

馬甲

達晉泰

年七十五

五福疇臻鏡日華金卮鞠脰頌椒花長生酒

賜羣生福銀篆牌懸綺散霞一

七旬壯志未蹉跎躍馬何曾更荷戈細數少年初

入伍月錢歲米較來多二

馬甲

虎什八

年七十五

鄧治昭翔洽天淵亘際蟠排筵開甲帳飛牂雜辛盤春
始陽和溥

恩深禮數寬醉扶靈壽起歸去萬人看

馬甲

三達塞

年七十六

玉帳春風回融和

帝澤普觴承神漿綺帛出內府

錫賚擎當墀

恩膏濡率土仁壽被無垠風雲此攸聚微臣執戟徒亦

得飲甘醕皇哉仰

黼宸麟鳳偕儀舞

馬甲

黑達塞

年七十五

環海恬波仰鏡華熙熙新歲彩符加椒花酒奉瑤

卮泛馬齒叨霑

聖澤賒一

若木華開巨海濱西濛神樹

藻歌新同來

玉殿霑香醴

萬八千年祝大椿 二

馬甲

烏爾泰

年七十五

嘉會聯耆彥

天施慶澤豐合尊斟寶露接翼受和風
耄耄恒沙紀興

圖福海同

聖齡綿萬億元氣酌鴻濛

馬甲

葉布冲阿

年七十五

太和凝

壽寓萬象春融融

恩覃八埏徧歡普四海同肆筵集耆老

典曠儀惟隆鏗鈞播仙樂翕習宣條風飲和兼食德滋

液皆

元功惟當擬華祝向日攄葵衷

馬甲

六十一

年七十五

鳳紀迎韶

化日長恒春樹底綺筵張金鑿玉膾光華滿

天上頒來益壽觴一

東瀛西旅萃璘玢同作鸞歌鳳舞人未校久依雕

甲侶今隨琛玉入華茵二

馬甲

額爾琪

年七十五

兒時曾記

啟者筵中外重看

帝澤宣文德武功昭緞兆東濛西窰入

陶甄可封戶盡歌嵩華上瑞人偕並偓佺喜溢皤顏新

與宴

聖神榮鏡邈無邊

欽定千叟宴詩卷二十八